

**“ГИДРОПРОЕКТ” АЖ
акциядорларининг навбатдан ташқари
умумий йиғилишининг
2020 йил “27” мартдаги
41-сонли баённомаси билан
“Тасдиқланган”**

**“GIDROPROEKT”
акциядорлик жамияти
Тафтиш комиссияси тұғрисидеги
НИЗОМИ**

1. Умумий қоидалар.
2. Тафтиш комиссияси аъзоларини сайлаш.
3. Тафтиш комиссиясининг фаолият күрсатиши тартиби.
4. Тафтиш комиссиясининг хуқуқ ва мажбуриятлари.
5. Тафтиш комиссияси йиғилишлари.
6. Якуний қоидалар.

1. УМУМИЙ ҚОИДАЛАР

1.1. Мазкур Низом “GIDROPROEKT” акциядорлик жамияти (матн давомида – Жамият деб номланади) тафтиш комиссияси мақомини белгилайди ва унинг ишини, комиссия аъзоларни сайлаш тартибини, шунингдек ҳар бир аъзонинг хуқуқ ва мажбуриятларини белгилайди.

1.2. Мазкур Низом Ўзбекистон Республикаси “Акциядорлик жамиятлари ва акциядорларнинг хуқуқларини химоя қилиш тұғрисида”ги Қонуника, Корпоратив бошқарув кодекси (31.12.2015й. 9-сон) талабларига ва Жамият уставига мувофиқ ишлаб чиқилған.

2. ТАФТИШ КОМИССИЯСИ АЪЗОЛАРИНИ САЙЛАШ

2.1. Жамиятнинг молия-хўжалик фаолиятини назорат қилиш учун акциядорларнинг умумий йиғилиши томонидан бир йил муддатга 3 (уч) кишидан иборат таркибда тафтиш комиссияси сайланади.

2.2. Жамият тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс айни бир жамиятнинг тафтиш комиссияси таркибиға кетма-кет уч мартадан ортиқ сайланиши мумкин эмас.

2.3. Жамият тафтиш комиссиясининг аъзолари бир вақтнинг ўзида жамият Кузатув кенгашининг аъзоси бўлиши, шунингдек айни шу жамиятда меҳнат шартномаси (контракт) бўйича ишлаши мумкин эмас.

2.4. Тафтиш комиссияси аъзосига берилган ваколат муддати давомида у ўз фаолиятини тўхтатмоқчи бўлса, Кузатув кенгашини ўз фаолиятини тўхтатишдан бир ой олдин огохлантиради. Ушбу ҳолатда акциядорларнинг умумий йиғилиши ўзининг яқин йиғилишида тафтиш комиссияси аъзосини алмаштиришни амалга оширади.

3. ТАФТИШ КОМИССИЯСИННИГ ФАОЛИЯТ КЎРСАТИШ ТАРТИБИ

3.1. Жамиятнинг молия-хўжалик фаолиятини текшириш тафтиш комиссиясининг, акциядорлар умумий йиғилишининг, жамият Кузатув кенгашининг ташаббусига кўра ёки жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра жамият Кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

3.2. Жамиятнинг молия-хўжалик фаолиятини текшириш якунларига кўра жамиятнинг тафтиш комиссияси хулоса тузади, бу хулосада:

➤ жамиятнинг хисоботларида ва бошқа молиявий хужжатларида кўрсатилган маълумотларнинг ишончлилигига доир баҳо;

➤ бухгалтерия хисобини юритиш ва молиявий хисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун хужжатлари бузилганлиги фактлари тўғрисидаги ахборот кўрсатилиши шарт.

3.3. Жамиятнинг молия-хўжалик фаолиятини текшириш якунларига кўра жамиятнинг тафтиш комиссияси хулосасида кўрсатилган ахборотни ўз ичига олган хулоса акциядорларнинг ийиллик умумий йиғилишида эшитилади.

3.4. Жамият тафтиш комиссиясининг ёзма талабига кўра жамият ижроия органида мансабни эгаллаб турган шахслар жамиятнинг молия-хўжалик фаолияти тўғрисидаги хужжатларни тафтиш комиссиясига тақдим этиши шарт.

3.5. Тафтиш комиссияси ўз вазифаларини бажараётганда қуйидаги фаолиятларни амалга оширади:

➤ бухгалтерия ва статистика ҳисоботларининг юритилишини амалдаги меъёрий хужжатларга мослигини таҳлил килиш;

➤ жамиятнинг ишлаб чиқариш ҳамда хўжалик-молиявий фаолиятини қонунчиликка ва бошқа меъёрий хужжатларга амал қилинишини текшириш;

➤ жамиятнинг молиявий ҳолати, тўлов қобилияти, активлар ликвидлигининг таҳлили ва жамият иқтисодий ҳолатини яхшилаш чораларини топиш бўйича жамият бошқарув органларига таклифлар бериш;

➤ хизмат ва маҳсулотлар учун тўланаётган тўловларнинг тўғри ва ўз вақтида тўланишини, бюджет ва бюджетдан ташқари тўловларни, акциялар бўйича дивидендларни ҳисоблаш ва тўлаш ҳамда бошқа масъулиятларнинг таъминланишини назорат килиш;

➤ жамият балансининг тўғри тузилишини, солик инспекциясига ҳисоботларни, статистика ва давлат бошқарув органларига берилаётган ҳисоботларнинг тўғрилигини текшириш;

➤ молия-хўжалик фаолияти амалга оширилаётганда қонун хужжатларига риоя қилинаётганлигини текшириш.

3.6. Тафтиш комиссиясининг хулосасисиз умумий йиғилиш бухгалтерия балансини тасдиқлашга хақли эмас.

3.7. Режадан ташқари тафтишлар тафтиш комиссияси томонидан беш фойздан ортиқ бўлган оддий акция эгаси бўлган акциядор (акциядорлар)нинг талаби ёки Кузатув кенгashi аъзоларининг кўпчилик овози билан қабул қилинган қарор бўйича амалга оширилади.

4. ТАФТИШ КОМИССИЯСИНГ ҲУҚУҚ ВА МАЖБУРИЯТЛАРИ

4.1. Тафтиш комиссияси ўтказган текшириш натижалари бўйича хулосани жамият акциядорларининг умумий йиғилишига, ҳамда Кузатув кенгashi аъзоларига хабар қиласи.

4.2. Тафтиш комиссияси ўз фаолиятини амалга оширишда қуйидаги ҳуқуқларга эга:

➤ акциядорлик жамияти бошқарув органларидан, унинг бўлимларидан, мансабдор шахсларидан тафтиш комиссияси фаолияти учун зарур бўлган хужжатларни талаб қилиб олиш. Сўралган хужжат ва материаллар ёзма сўров берилган кундан кейин тафтиш комиссиясига 3 кун давомида тақдим этилиши керак;

➤ акциядорлик жамиятининг молиявий, ҳуқуқий, ишлаб чиқариш-хўжалик соҳаларида жиддий хатоликлар аниқланганда, жамият манфаатларига зиён этиш хавфи туғилганда ваколатли шахслардан жамият Бош директори масъул ходимлар билан оператив мажлис ўтказиши, Кузатув кенгашининг мажлисини чақиришни талаб қилиш;

➤ акциядорлик жамиятининг молиявий, ҳуқуқий, ишлаб чиқариш-хўжалик соҳаларида жиддий хатоликлар аниқланганда, жамият манфаатларига зиён этиш хавфи туғилганда тафтиш комиссияси аъзоларининг яқдиллик овозлари билан акциядорларнинг навбатдан ташқари умумий йиғилишини чақиришни талаб қилиш;

➤ эгаллаб турган лавозимидан қатъий назар акциядорлик жамиятининг ишчи ходимларидан тафтиш комиссияси ваколатидаги масалалар бўйича шахсан тушунтириш беришларини талаб қилиш;

- шартнома асосида ўз ишига акциядорлик жамияти штат жадвалида бўлмаган мутахассисларни жалб қилиш;
- жамият томонидан қабул қилинган Низом, йўриқнома ва қоидаларни бузганлиги учун жамият ишчи ва мансабдор шахсларининг жавобгарлиги масаласини акциядорлик жамияти бошқарув органлари, унинг бўлимлари ва хизматлари олдига қўйиш.
- жамият тафтиш комиссияси қонунчиликка асосан бошқа хукуқларга ҳам эга.

4.3. Тафтиш комиссияси ўз фаолиятини амалга оширишда қўйидаги мажбуриятларга эга:

- акциядорларнинг умумий йиғилишига, Кузатув кенгашига, ижроия органига амалга оширилган тафтиш ва текшириш натижаларини ёзма шаклдаги хисботлар, маърузалар ва хабарлар шаклида ўз вақтида етказиш;
- тафтиш комиссияси аъзолари ўз вазифасини бажариш давомида эга бўлган тижорат сирлари ва конфеденциал (сир) маълумотларни сақлаш ва овоза қилмаслик;
- мансабдор шахслар томонидан ўз мансабларини сунстеммол қилиши ёки акциядорлик жамияти манфаатларига реал хавфлар пайдо бўлган ҳолатда ваколатли органлардан навбатдан ташқари акциядорлар умумий йиғилишини чақирилишини талаб қилиш;
- Кузатув кенгашига акциядорларнинг йиллик умумий йиғилишини чақирилишидан камида 10 кун кечикирилмасдан йиллик бухгалтерия баланси ва молиявий хисботи бўйича хулоса бериш;
- жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги хуносани ҳар чорақда жамият кузатув кенгашининг мажлисига олиб чиқиш.

5. ТАФТИШ КОМИССИЯСИ ЙИҒИЛИШЛАРИ

5.1. Жамият тафтиш комиссиясининг раиси унинг ишини ташкил этади, комиссия мажлисларини чақиради ва уларда раислик қиласи, мажлисларда баённома юритилишини ташкил этади, Кузатув кенгаши мажлисларида ва акциядорларнинг умумий йиғилишида маслахат овоз билан иштирок этади.

5.2. Жамият тафтиш комиссиясининг раиси бўлмаган тақдирда унинг вазифасини комиссия аъзоларидан бири амалга оширади.

5.3. Тафтиш комиссияси йиғилишлари белгиланган режа бўйича шунингдек тафтиш бошланиши олдидан ва текшириш натижалари бўйича ўтказилади.

5.4. Тафтиш комиссияси аъзоси тафтиш комиссиясининг кечикириб бўлмайдиган қарорларини талаб қилувчи ҳолатлар аниқланганида тафтиш комиссиясининг фавқулотдаги мажлисини чақиришни талаб қилиши мумкин.

5.5. Тафтиш комиссияси мажлисларини ўтказиша 50 фоизидан кам бўлмаган аъзолари ҳозир бўлганида мажлис ваколатли хисобланади.

5.6. Тафтиш комиссиясининг ҳар бир аъзоси бир овозга эга. Тафтиш комиссиясининг далолатномалари ва хуносалари йиғилишда ҳозир бўлганларнинг оддий кўпчилик овози билан тасдиқланади. Овозлар teng бўлган ҳолатларда тафтиш комиссияси раиси овози ҳал қилувчи овоз ҳисобланади.

5.7. Тафтиш комиссияси аъзоси тафтиш комиссияси қарорига рози бўлмаган ҳолатда ўзининг норозилигини йиғилиш баёнида акс эттиришни ва ушбу ҳолатни жамият ижроия органи, Кузатув кенгаши ва акциядорлар умумий йиғилишига етказиши талаб қилишга ҳақли.

5.8. Тафтиш комиссияси мажлисда муҳокама қилинган масалар бўйича баённома юритади, баённома комиссия аъзолари томонидан имзоланади.

6. ЯКУНИЙ ҚОИДАЛАР

6.1. Мазкур Низом ва унга киритиладиган ўзгариш ва қўшимчалар ягона акциядорнинг қарори билан тасдиқланади.

6.2. Низомга ўзгаришиш ва қўшимчалар Жамият кузатув кенгаши аъзолари ва ижроия

органи раҳбари (Бош директор) таклифига асосан киритилади.

6.3. Агар мазкур Низомнинг алоҳида моддалари амалдаги Қонунга ва/ёки Жамият Уставига зид келса, ушбу моддалар ўз кучини йўқотади ва Низомга тегишли ўзгартиришлар киритилгунга қадар ушбу моддалар билан тартибга солинадиган масалалар Ўзбекистон Республикаси қонунчилиги ва/ёки жамият Устави нормалари билан тартибга солинади.